

輿地廣記卷第十一

河北西路上

次府真定府春秋時屬鮮虞為晉所滅戰國時屬趙秦屬鉅鹿郡漢高帝置怕山郡後避文帝名改曰常山亦屬真定國東漢屬常山國魏晉復為郡元魏因之後周兼立恒州隋開皇初郡廢大業初州廢復立常山郡唐武德初復曰恒州後升為成德寧節度元和十五年避穆宗諱曰鎮州五代時曰真定府梁以諱改曰武順後唐復曰成德晉曰順德漢復曰成德周及皇

輿地廣記

卷十一

一

朝因之今縣九

次赤真定縣本中山國之東垣邑漢十一年代相陳豨及其將趙利守東垣高帝攻拔之改曰真定元鼎四年立真定國東漢併入常山魏晉為郡治在今縣南元魏道武移郡治於此今府城是也自唐寶應後叛將李寶臣王武俊王廷湊等相繼據之有滹沱水

次畿豪城縣漢屬真定國北齊立鉅鹿郡後周因之隋開皇初郡廢十五年立廉州大業初廢義寧元年復立鉅鹿郡唐武德元年改曰

廉州正觀元年州廢來屬九門縣二漢屬常山郡魏晉元魏因之北齊省隋開皇六年復置 皇朝開寶六年省入

次畿欒城縣春秋晉大夫欒氏之邑漢為平棘縣地東漢置欒城縣北齊省隋開皇十六年復置屬欒州大業初州廢屬趙郡唐本屬趙州大曆三年來屬

次畿元氏縣本趙公子元之封邑漢高帝立恒山郡治此故城在焉東漢為國魏晉元魏屬趙國北齊省隋開皇六年復置唐屬趙州五

輿地廣記

卷十一

二

代時來屬

次畿井陘縣漢屬恒山郡東漢魏晉元魏皆因之後省北齊廢石邑以置井陘隋開皇六年復石邑分置井陘有陘山其道險隘李左車所謂車不得方軌騎不得成列是也有綿蔓水韓信攻趙背水為陣即此

次畿獲鹿縣漢石邑縣地隋開皇十六年分置鹿泉縣唐天寶十五載更名獲鹿石邑鎮本漢縣 皇朝開寶六年省有井陘口亦曰土門秦始皇興兵塞井陘口漢韓信出井陘

天雄軍晉高祖置彰德軍今縣四

緊安陽縣漢為侯國曹魏時併入鄴徐廣晉紀

曰石遵自享城北入斬張豹于安陽後周移

鄴縣及相州於安陽故城遂改為安陽縣魏

郡治焉唐為相州有韓陵山高歡破尔朱兆

於北永和鎮本漢內黃縣地隋開皇十四年

置長樂縣十八年改曰堯城屬魏郡唐屬相

州天祐三年改曰永定 皇朝天聖七年

改曰永和熙寧六年省入安陽

緊湯陰縣本二漢蕩陰縣屬河內郡晉屬魏郡

輿地廣記

卷二

四

後廢焉隋開皇六年復置屬汲郡唐屬相州

正觀元年改為湯陰有美里城商紂囚問文

王之所

緊臨漳縣本漢鄴縣地東漢天平初析置臨漳

縣屬魏郡後周及隋因之唐屬相州魏文侯

七年始封此地以西門豹為鄴令民不敢欺

至襄王時以史起為鄴令引漳水溉鄴民賴

其用漢高十二年置魏郡治此漢末袁紹為

冀州牧鎮鄴曹公取之以為鄴都作三臺皆

因城為基晉亂胡作石季龍慕容瓌皆都之

後魏置相州東魏北齊又都焉後周平齊復
置相州隋文輔政揔管尉 迺舉兵不順韋
孝寬討平之乃焚燒鄴縣徙具居民南遷四
十里以安陽城置鄴縣屬魏郡唐屬相州
皇朝熙寧六年省入臨漳

中林盧縣本漢隆盧縣屬河內郡後漢避殤帝
名改曰林慮晉屬 郡後魏置林慮郡北齊
廢之後復置隋開皇初又廢之大業初屬魏
郡唐屬相州

次府中山府堯始封於此春秋時為鮮虞戰國

輿地廣記

卷十一

五

初為中山國後為魏所併後又屬趙秦屬上
谷鉅鹿二郡漢高帝置中山郡景帝三年改
為國後漢晉皆因之後燕慕容垂移都於此
置中山尹後魏為中山郡兼置安州大唐改
為定州升義武軍節度 皇朝太平興國
元年改定武軍政和三年改中山府中山郡
今縣七

緊安喜縣古中山國魏文侯使樂羊伐取之以
封太子擊漢為盧奴縣城內西北隅有水淵
而不流色正黑或云黑水盧不流曰奴故以

取名後魏皇始二年滅慕容寶立安州道武帝天興三年改曰定州北齊改為安喜後周置鮮虞郡隋開皇初郡廢置鮮虞縣大業初廢安喜入焉屬博陵郡唐屬定州武德四年改鮮虞曰安喜故陘邑縣本漢苦陘屬中山國後漢章帝改曰漢昌魏改曰魏昌晉元魏因之北齊廢焉隋開皇十六年復置曰隋昌屬博陵郡唐武德四年改曰唐昌屬定州天寶元年改曰陘邑 皇朝康定元年省入安喜

輿地廣記

卷十一

六

緊無極縣二漢為毋極屬中山國晉省之後魏復置隋屬博陵郡唐屬定州武后改毋極為無極景福二年置祁州周徙治蒲陵 皇朝景德元年來屬

上曲陽縣漢為上曲陽屬常山郡後漢屬中山國晉屬常山郡北齊去上字隋開皇六年改為石邑屬博陵郡七年改曰恒陽唐屬定州元和十五年改為曲陽有北岳常山在西中唐縣昔堯為唐侯國於此春秋時屬北燕昭十二年齊高偃納北燕伯款于唐是也漢屬

中山國後漢及晉皆因之北齊廢焉隋開皇十六年復置屬博陵郡唐屬定州舊治中人情縣西四十里有中人亭左傳昭十三年晉荀吳侵鮮虞及中人大獲而歸是也聖曆元年徙治今所

中望都縣昔堯母慶都所居有堯山在北慶都山在南登堯山見慶都山故以望都名縣漢屬中山國後漢及晉皆因之北齊省北平唐武德四年復置屬定州初治安險故城正觀八年徙治今所

輿地廣記

卷十一

七

中新樂縣古鮮虞國子姓漢為新市縣屬中山國後漢及晉皆因之後廢焉隋開皇十六年置曰新樂縣屬博陵郡唐屬定州

中下北平縣漢屬中山國後漢及晉皆因之後魏置北平郡北齊郡廢隋屬博陵郡唐屬定州萬歲通天二年契丹攻之不下更名狗忠神龍元年復舊漢曲逆縣濡水於城北曲而西流故曰曲逆左傳哀四年齊國夏伐晉取曲逆是也漢高帝過之曰壯哉吾行天下唯洛陽與是耳詔封陳平為曲逆侯屬中山國

後漢章帝醜其名改曰蒲陰晉因之北齊廢入北平

上邢州春秋時為邢國衛人滅之戰國時屬趙秦屬鉅鹿邯鄲郡常山王張耳都焉漢屬趙國廣平鉅鹿常山郡後漢因之晉屬鉅鹿趙國後趙亦都焉後魏為鉅鹿郡隋置邢州後為襄國郡唐復為邢州天寶元年屬鉅鹿郡梁升保義軍節度後唐改為安國軍今縣

上龍國縣故邢國秦時謂之信都項羽立張耳

輿地廣記

卷上

八

為常山王居此更名曰襄國漢屬趙國後漢因之晉省焉石勒陷皇州天寶曰襄國因山憑險形勝之地可都焉大元年勒僭號於襄國其後為慕容所滅隋開皇九年改為龍岡縣漢屬襄國郡唐為邢州夷儀在縣北一百五十里春秋僖五年邢遷于夷儀即此

上沙河縣漢襄國縣地隋開皇十六年置沙河縣屬襄國郡唐武德元年置温州四年州廢來屬有湯水

上鉅鹿縣本漢南繇縣屬鉅鹿郡後漢因之晉省焉隋於南繇故城置鉅鹿縣屬襄國郡唐武德四年屬趙州正觀元年東屬有禹貢大陸澤

上平鄉縣本鉅鹿縣秦始皇二十五年滅趙以為鉅鹿郡秦將王離圍趙王歇於此漢因之後漢及晉徙治廩陶而鉅鹿屬焉北齊縣廢隋置平鄉縣屬襄國郡唐屬邢州
熙寧六年省入鉅鹿元祐元年復置

上內丘縣本中丘縣漢屬常山郡後漢屬趙國

輿地廣記

卷十一

九

晉因之元魏屬南趙郡隋曰內丘屬襄國郡唐武德四年屬趙州五年來屬有于言山詩所謂出宿于干飲餞于言是也

中堯山縣本栢人春秋晉邑也漢屬趙國高帝過欲宿心動問縣何名曰栢人上曰栢人者迫於人也去弗宿趙相貫高等果有道謀後漢及晉皆屬趙國元魏屬南趙郡隋屬襄國郡唐屬邢州天寶元年改為堯山
熙寧六年省入內丘元祐元年復置

中南和縣屬廣平國後漢屬鉅鹿郡晉省之後

皇朝

復置後周置南和郡隋開皇初郡廢屬襄國郡唐屬邢州

中任縣春秋晉邑也鄭皇於晉為任大夫漢屬廣平國後漢屬鉅鹿郡晉省之隋開皇十六年復置屬襄國郡大業初省入南和唐武德四年復置屬邢州皇朝熙寧四年省入南和元祐元年復置

雄懷州禹貢三懷之地太行山在焉春秋時周襄王以陽樊温原攢之國賜晉武公晉於是始啓南陽又云武王克商蘇忿生以温為

輿地廣記

卷十一

十

司寇其左有隕懷是也戰國時屬魏兼屬衛秦滅衛徙其君相於野二世廢角為庶人以其地屬三川郡項羽立司馬邛為殷王都此漢初為殷國尋更名河內郡後漢因之晉分屬汲郡後魏置懷州兼置河內郡隋初郡廢而懷州如故煬帝初州廢復置河內郡唐為懷州天寶初曰河內郡今縣三

繫河內縣本野王秦始皇徙衛君角於此阻其山而保之漢屬河內郡後漢因之晉為郡治後魏兼置懷州隋開皇十六年改野王為河

內唐為懷州西北三十里有邠城故邠國也
周武子所封太行山在西北武德鎮本秦縣
始皇東巡自以武德定天下因以名縣焉二
漢屬河內郡晉為郡治後置武德郡隋開皇
初郡廢十八年改州縣為邢立大業初又改
曰安昌屬河內郡唐武德二年復名武德屬
懷州 皇朝熙寧六年省入河內漢射大
縣故城在北平臯縣故城在西

中武陟縣本漢懷縣地隋開皇十六年析置武
陟大業初省為唐武德二年置陟州及修武

輿地廣記

卷五

五

縣四年州廢改修武為武陟屬懷州故懷縣
本禹貢覃懷之地後為晉邑春秋時赤狄伐
晉圍懷是也二漢為河內郡晉屬河內隋大
業初廢之後復置唐正觀元年省入武陟故
城在今縣之西

上修武縣太商之寧邑周武王伐紂勒兵於寧
更名修武晉始啓南陽即此故有南陽城二
漢屬河內郡晉屬汲郡隋屬河內郡唐武德
四年改修武為武陟而別置修武縣於隋修
武故城屬懷州漢山陽縣屬河內郡後漢晉

皆因之魏阮籍嵇康等同居山陽時人號竹林七賢後縣廢故城在今縣西北有雍城故雍國周文王子所封左傳僖二十四年富辰曰郟雍曹滕文之昭也有濁鹿城漢獻帝為山陽公居此

望衛州春秋時分屬於晉衛戰國時屬魏秦屬三川郡二漢屬河內郡魏置朝歌郡晉改為汲郡後魏因之東魏置義州後周改為衛州又置修武郡隋初郡廢煬帝初州廢復置汲郡唐為衛州天寶元年曰汲郡今縣四

中汲縣古商都牧野之邑水經注云太公生于汲城北三十里有太公泉上有太公廟相傳云太公之故居也二漢屬河內郡魏屬朝歌郡晉為汲郡治焉太康初縣人有發魏安釐王家大得古書皆簡編科斗文字所謂汲冢書也北齊置五城郡後周廢為五城縣隋開皇六年復改為汲屬汲郡唐屬衛州上獲嘉縣本漢汲縣地武帝時南越相呂嘉友發兵討之元鼎六年行幸至汲新中鄉得呂嘉首因以為獲嘉縣屬河內郡後漢因之晉

皆汲郡後周置修武郡隋開皇初郡廢十六
年置殷州大業初州廢屬河內郡唐屬衛州
緊新鄉縣隋開皇初析汲獲嘉二縣於古新樂
城置屬河內郡唐屬衛州 皇朝熙寧六
年省入汲元祐三年復置東北有故臨清関
東南有故延津関

中共城縣故共國左傳隱元年鄭太叔出奔共
是也二漢屬河內郡晉屬汲郡北有共山隱
者孫登所處北齊縣廢隋開皇六年復置曰
故城屬河內郡唐屬州

輿地廣記

卷十一

十三

望洛州春秋時為赤狄所有後屬晉戰國時屬
趙秦屬邯鄲郡漢置廣平國後漢國廢為鉅
鹿郡之西 魏置廣平郡晉及後魏皆因之
後周置洛州隋大業初置武安 為洛州
天寶元年曰廣平郡今縣五

上永年縣今曲梁左傳宣十五年晉

赤狄于曲梁是也漢屬廣平國後屬漢魏郡
魏晉屬廣平郡地齊省曲梁入廣平縣廣平
漢為國治自魏至隋皆為郡隋仁壽元年避
太子名改廣平曰永年為武安郡治唐為洛

州漢廣平縣故城在今縣北臨洺鎮本漢易陽縣屬趙國後漢因之晉屬廣平郡東魏屬魏郡隋開皇六年改為陽曰邯鄲十年改邯鄲為臨洺屬武安郡唐屬洺州
皇朝熙寧六年省入永年

望肥鄉縣漢為邯溝縣地屬魏郡曹魏置肥鄉縣置廣平郡晉因之東魏省焉隋開皇十六年復置屬武安郡唐屬洺州漢列人縣屬廣平國後漢屬鉅鹿郡晉屬廣平郡故城在今縣東北

輿地廣記

卷十一

十四

緊平恩縣本漢館陶之別鄉元帝分置立恩以封石父許伯為侯國屬魏郡後漢因之晉及元魏屬廣平郡隋屬武安郡唐屬洺州

中雞澤縣春秋襄三年公會諸侯同盟于雞澤漢為曲梁縣地隋開皇初置雞澤縣屬洺州大業初省入永年唐武德四年復置杜預注左傳云雞澤在曲梁西南曲梁今永年也此縣在永年東北疑非古雞澤地矣

上曲周縣漢武帝建元四年置屬廣平國東漢屬鉅鹿郡晉省之唐武德四年復置屬洺州

皇朝熙寧三年省入雞澤元祐四年復置洺水鎮本漢斥漳縣屬廣平國後漢屬鉅鹿郡魏晉屬廣平郡北齊省入平恩隋復置改曰洺水屬武安郡唐屬洺州會昌三年省入曲周

望深州春秋時屬晉戰國時屬魏秦屬鉅鹿郡漢屬信都國後漢屬安平國魏晉為博陵國後魏北齊後周為博陵郡隋開皇初郡廢十六年置深州大業初廢屬博陵郡唐武德四年置深州正觀十七年州廢光天二年復置

輿地廣記

卷五

五

天寶元年曰饒陽郡今縣五

望靜安縣本下博漢屬信都國後漢屬安平國

光武避王郎自龍陽南出至下博城西惶惑

不知所之有白衣老父在道旁指曰努力信

都為長安守去此八十里光武即馳赴之晉

亦屬安平國隋屬信都唐初屬冀州後來屬

後周為州治焉 皇朝太平興國八年置

靜安軍雍熙二年軍廢還屬三年縣省四年

復置改為靜安故陸澤縣本鄆漢屬鉅鹿郡

後漢作鄆晉屬趙國唐先天二年析饒陽鹿

城於故鄆城置陸澤縣為深州治所後周徙
治靜安 皇朝雍熙四年省入焉有禹貢
大陸澤

望東鹿縣本漢鄆縣地屬鉅鹿郡北齊改郡曰
安國隋開皇六年改曰安定十八年改曰鹿
城屬信都郡唐屬深州天寶十五載改曰東
鹿五代時屬真定國 皇朝淳化元年來
屬漢貫縣故城在西南

望安平縣漢屬涿郡後漢屬安平國魏晉為博
陵國治焉北齊置博陵郡隋開皇初郡廢十

輿地廣記

卷十一

十六

六年置深州大業初州廢屬博陵郡唐武德
四年屬深州正觀十七年還故屬先天二年
來屬

望饒陽縣漢屬涿郡後漢屬安平國魏晉屬博
陵國後魏屬博陵郡隋開皇中分置安平蕪
蕪二縣大業初省入焉屬河間郡唐武德四
年置深州治此正觀十七年州廢屬瀛州先
天二年復來屬而州徙治陸澤焉東北有無
萋亭漢光武避王郎於此
望武彊縣本武隧秦破趙將扈輒於武隧即此

漢屬河間國後漢屬安平國晉因之後分置
武彊縣元魏屬武邑郡隋開皇初郡廢省武
遂入焉屬信都郡唐初屬冀州正觀元年屬
深州十七年屬冀州先天二年復來屬開元
二年屬冀州永泰元年又來屬唐末屬冀州
五代時又來屬

輿地廣記十一卷終

輿地廣記

卷十一

十七